

**1294-1294- OFP - Acta Capitulum Generalium apud Montepessulanum Celebrati**

In nomine patris et filii et spiritus sancti. Amen.  
 Acta capituli generalis apud  
 Montepessulanum celebrati anno Domini  
 · M° · CC° · XCIII° ·

Iste sunt approbaciones.

Approbamus has. In capitulo de ieiuniis. post illud. assumptionis sancte Marie. et Bartholomei. addatur. et nativitatibus beate virginis. Et hec habet · ii · capitula.

Item hanc. In capitulo de rasura. ubi dicitur. rasura vero fiat. deleatur usque in finem. capituli. et dicatur sic. rasura fiat a pascha usque ad festum omnium sanctorum; de quinquena in quinquenam. deinde autem semel in tribus septimanis. ita tamen quod propter festa solempnia per dies aliquot possit retardari vel etiam preveniri. Et hec habet · ii · capitula.

Item hanc. In capitulo de electione prioris conventualis. ubi dicitur. si vero de alia provincia fuerint. post illud. admittantur ad electionem predictam. addatur. infra vero illud tempus non admittantur ad electionem electorum prioris provincialis. nec ad tractatum eorum que ad generale vel provinciale capitulum sunt mittenda. Et hec habet · ii · capitula.

Inchoamus has. In capitulo de ieiuniis. ubi dicitur. itinerantes autem bis refici possunt nisi in adventu. addatur. et in vigilia nativitatibus et purificationis beate virginis.

Item hanc. In capitulo de electione prioris conventualis. ubi dicitur. fratres autem post quatuor annos a professione sua. addatur. dum tamen annum · xxv · etatis impleverint; admittantur.

Item hanc. In capitulo de electione prioris provincialis. ubi dicitur. si priorem provincialem in capitulo generali. post illud. mori vel amoveri. addatur. seu electionem de ipso factam cassari contigerit. etc.

Item hanc. In capitulo de capitulo provinciali. ubi dicitur. predicatoribus autem generales. post illud. habeant potestatem. addatur. nec instituantur ab eisdem. nisi sint maturi et discreti. ad negocia ordinis pertractanda.

Item hanc. In eodem capitulo. ubi dicitur. infra vero quinquennium ab ingressu ordinis. addatur. et infra · xxv · annum etatis fratres alii etc.

Item hanc. In capitulo de predicatoribus. ubi dicitur. statuimus autem. deleatur totum usque ibi. nullus assumatur.

Item hanc. In letania ubi dicitur. sancte Benedicte. addatur. s. Bernarde ora pro nobis.

Item. In eadem post illud. s. Maria Magdalena. addatur. s. Martha ora pro nobis.

Iste sunt admoniciones.

Admonemus et ordinamus; quod per octavas b. virginis. nativitatibus et assumptionis quando de eis agitur. Dicantur · xv · psalmi graduales. sicut in sabbatis. quando de ipsa fieri consuevit.

Item. Inhibemus omnibus vicariis priorum. quod in absentia ipsorum novicios non recipiant. nec ad sacros ordines fratres faciant promoveri. nisi super iis ab ipsis prioribus facta fuerit specialis et expressa commissio.

Item. Mandamus universis prioribus provincialibus et diffinitoribus capitulum provincialium; quod moniciones factas in capitulo generali Montepessulani anno domini · m° · cc° · lxxxiii° · de iuvenibus informandis. ac de noviciis non recipiendis infra etatem legitimam; faciant hoc anno in actis suis provincialibus repeti et inseri. et eas exacta diligencia observari. transgressores autem a capitulo predicto penitencia contenta in illis monicionibus puniendo.

Item. Inhibemus districte fratribus universis. ne extra conventus carnes comedant cum principibus vel prelatibus. eciamsi super hoc privilegium asserant se habere. et puniantur graviter qui inventi fuerint contrarium facientes.

Item. Volumus et ordinamus. quod inquisitores heretice pravitatis teneantur singulis annis de omnibus receptis et expensis prioribus provincialibus veras et certas sub iureiurando prout requisiti fuerint reddere rationes. et iidem provinciales rationes scripto commendatas et sigillo suo ac inquisitorum signatas. venerabili patri nostro magistro ordinis; transmittere teneantur.

Item. Volumus et mandamus. quod admonicio facta in capitulo Burdegalensi et Montispessulani<sup>2</sup> circa deposita diligencius observetur. videlicet; quod in singulis conventibus assignentur tres depositarii per conventum. qui sine licencia prioris vel vicarii. ostendendi seu reddendi deposita; non habeant potestatem. nec prior eciam vel eius vicarius sine ipsis. quod si aliquem predictorum depositariorum abesse contigerit vel alias impediri; clavis eius tradatur alii cui prior vel eius vicarius assignaverit; de consilio discretorum. et caveant semper. ne unus simul teneat plures claves. Preter istam autem ordinacionem. nullus frater audeat depositum aliquod recipere vel tenere. et super hoc visitatores inquirent studiose. et acriter puniant contrarium facientes.

Item. Admonemus secundum ordinacionem capituli generalis Florentini<sup>3</sup> universos priores provinciales et conventuales et eorum vicarios. quod laborent diligentius pro apostatis capiendis; ubicumque ipsos infra terminos suos poterint invenire. Quod si facere non potuerint; excommunicatos denunciari procurent. ut sic saltem ab aliis evitentur. volumus autem. quod expense que in ipsorum capcione vel detencione fient. a provinciis vel conventibus de quibus fuerint; plene et prompte ipsos capientibus vel detinentibus refundantur.

Item. Cum constitucio dicat. quod fratres viatores testimoniales literas secum ferant; monemus et mandamus. quod priores. subpriores ac vicarii illorum conventuum. ad quos declinaverint; teneantur ipsas litteras exigere et inspicere diligenter.

Item. Cum in capitulo generali apud Montepessulanum proximo celebrato<sup>4</sup> prohibitum fuerit; ne conversi scapularia quasi alba deferrent. et hoc a pluribus appareat non servatum; non solum priores penitentiam ferant pro dissimulacione sicut in actis predictis est expressum; sed eciam ipsi conversi penam luant duplicatam. nisi ipsa scapularia infra quindenam dimiserint. de cetero nullatenus resumenda. nec frater aliquis eos assumat in adiutores misse vel pro sociis in civitatem vel extra; habitum prohibitum deferentes.

Item. Venerabilis pater magister ordinis de voluntate et consilio diffinitorum prohibet districte. ne fratres clerici vel conversi ingrediantur claustra sororum nostrarum. nisi in casibus in earum constitutionibus approbatis.

Prohibemus eciam. quod nulle persone cuiuscumque status. vel condicionis existant. in eisdem claustris comedant. seu dormiant. eciamsi preclare dignitatis aut magnorum meritorum existant. vel ius patronatus pretendant. et tam fratres qui in hoc deliquerint quam sorores que contrarium fieri permiserint vel procuraverint; tribus diebus in pane et aqua ieiunent. in qua penitentia non nisi per magistrum ordinis vel priorem provincialem valeat dispensari. Similiter admittendi non sunt. sed potius excludendi. qui dicunt se de introitu claustrorum vel absolucione sororum. cum sint alieni; licenciam habere. nisi super hoc priori loci vel eius vicario per litteras eiusdem magistri fidem faciant evidentem.

Item. Declaramus. quod sine prioris provincialis assensu diffinitores capitulorum provincialium; predicatorum non possunt instituere generales.

Item. Ad vitandum nimium discursum fratrum ad capitula generalia et provincialia; volumus et mandamus. quod ordinacio circa hoc facta in capitulis generalibus. Rome et apud Insulas proximo celebratis;<sup>5</sup> arctius observetur. et omnes fratres qui ad presens capitulum sine magistri licencia venerint vel ad veniendum ad ipsum iter arripuerunt; per biennium denunciemus voce privatos.

Ista sunt suffragia pro vivis.

Pro statu universalis ecclesie et pro venerabili collegio dominorum cardinalium. et creacione summi pontificis; quilibet sacerdos · iii · missas etc.

Ista sunt suffragia pro defunctis.

Pro domino Iohanne Chauleti<sup>1</sup> et domino Iordano [Videtur esse Iordanus Piruntus] venerabilibus cardinalibus; quilibet sacerdos · i · missam etc.

Summa pro vivis; · xxxvi ·

Summa pro mortuis; · x ·

Pro qualibet missa frater quilibet non sacerdos; · vii · psalmos cum letania. conversi; · c · pater noster cum totidem ave Maria dicant.

Letania solito more in profestis diebus dicatur.

Iste sunt penitencie.

Quia prior provincialis Hyspanie frater Nicolaus Salamantinus quibusdam fratribus nostri ordinis scilicet fratri Munioni episcopatum Palentinum<sup>1</sup> et fratri Guillelmo de Montecatheno Urgellensem. ut episcopatus reciperent. dedit licenciam inconsulte; ipsum in penam suam absolvimus ab officio prioratus. et eidem iniungimus. quod usque ad annum abstineat una die in pane et aqua. et unum psalterium singulis dicat septimanis<sup>1</sup>.

Item. Quia frater Iohannes de Laterano contra venerabilem patrem dominum Hugonem tit. s. Sabine presbyterum cardinalem graviter excessit. ac penitentiam sibi ob predictam culpam per vicarios magistri ordinis impositam. prout debuit. non implevit; ipsum provincie Grecie assignamus. eidem iniungentes districte; quod infra mensem. postquam predicta assignacio eidem innotuerit. quoquo modo; iter arripiat. et ad provinciam transeat memoratam. Et nichilominus fratribus Hugoni de Lausana penitenciaro in curia Romana. et Salvo<sup>3</sup> condiffinitori nostro pro Romana provincia imponimus. quod omnes fratres quos invenerint fuisse predicti excessus conscios vel fautores puniant ipsos absolvendo ab officiis. in quocumque statu fuerint. iniungendo alias graves penitencias.

<sup>1</sup> Cum Guillelmus de Montecateno (ob. 1308. nov. 3.) non nisi anno 1295. dec. 15. a Bonifacio VIII. sit confirmatus et Munio a quibusdam rerum gestarum scriptoribus dicatur "intrusus per laicalem impressionem" (EUBEL l.c. pag. 405; POTTHAST II. 24371), non sine ratione Hispaniae provincialis supradictis poenis propter licenciam "inconsulte" datam punitus esse videtur. Quod argumentum enucleandum relinquimus nunc nostris Hispanis.

et aliis provinciis sine more dispendio assignando. et eosdem auctoritate magistri ordinis per preceptum obediencie compellere valeant; ad predicta. secundum quod satisfactioni tanti patris et correctioni tanti excessus adiudicaverint expedire<sup>2</sup>.

Item. Cum in actis capituli precedentis mandatum fuerit. quod in singulis capitulis provincialibus anni preteriti super capitulis generalibus alternandis diligens collatio haberetur. et quod visum fuisset singulis provinciis. mitteretur ad capitulum generale. et diffinitores capituli provincialis Francie apud Insulas celebrati hoc anno facere neglexerint; cuilibet ipsorum iniungimus tres dies in pane et aqua<sup>5</sup>.

Item. Cum fr. Arnaldus de Prato lector Tholosanus<sup>6</sup> in irreverenciam dominorum cardinalium nostri ordinis dicatur quasdam canciones finxisse; committimus venerabili patri magistro ordinis. quia ipse presens non est in capitulo. ut de hoc inquirat diligenter et graviter puniat. secundum quod eum invenerit excessisse.

Concedimus provincie Theotonie; · iii · domos ponendas absque preiudicio provincie cuiuscumque.

Item. Provincie Grecie · iii · domos; ponendas ubi provinciali et diffinitoribus videbitur expedire.

Absolvimus priores conventuales. R. Humandi (!) Tolosanum<sup>7</sup> Massiliensem. Burdigalensem fr. B. de Lucico. Perpiniani. Narbonensem. Bitterrensem. Niciencem. Avinionensem. Alestensem. Nemausensem. Figiacensem.

Ruthenensem. s. Emiliani. Brageriacensem. Albiensem. Appamiensem. Et ordinamus. quod iidem fratres in eadem provincia et in eisdem conventibus ad eadem officia; non reassumantur hoc anno.

Committimus magistro ordinis. quod de magistris et baccalariis in studiis generalibus ordinet et disponat; prout utilitati generali ordinis viderit expedire.

Item. Volumus et iniungimus. ut diffinitores capituli generalis presentis et futuri; in veniendo et redeundo deducantur de conventu ad conventum. et provideatur eis secundum modum ordinis. prout hactenus exstitit observatum.

Sentencias iudicum approbamus.

Capitulum generale sequens assignamus apud Argentinam in provincia Theotonie, et diffinitores sint in loco capituli; dominica infra octavas ascensionis domini. Fratres autem alii non ingrediantur locum capituli ante feriam · vi · ante penthecostem.

Actis additae sunt litterae magistri ordinis; cf. app. n. XLIX.

<sup>2</sup> Excessus gravis fr. Ioannis de Laterano contra fr. Hugonem Seguin de Billo et cantiones fr. Arnaldi de Prato "fictae" in irreverentiam dominorum cardinalium nostri ordinis scil. fr. Hugonis praedicti et fr. Latini iam saepius laudati, non est dubium, quin referri debeant ad depositionem fr. Munionis. Dicti enim cardinalis hac in re primas partes egerunt.